

四部叢刊

揚子法言
申潛夫論
徐幹中論
中說



四部叢刊初編子部

揚子法言

十二三卷附音義一卷

據商務印書館一九二六年版重印

四部叢刊初編（五九）

揚子法言

漢揚

雄撰

潛夫論

漢王

符撰

申鑒

漢荀

悅撰

徐幹中論

漢徐

幹撰

中說

隋王

通撰

上海書店印行

上海福州路四二四號

上海影印廠印刷

上海涵芬樓影印石
硯全翻宋治平監本
原書板高營造尺六
寸五分寬五寸五分

重刻治平監本揚子法言并音義序

揚子法言十三卷自侯芭宋衷之注既亡而存者莫先於晉李軌宏範注宋景祐嘉祐治平三降詔更監學館閣兩制校定板行最為精詳有音義一卷不題撰人名氏其中多引天復本天復者唐昭宗紀元而王建在蜀稱之然則謂蜀本也撰人當出五代宋初間矣司馬溫公言宋庠家所有逮陳振孫書錄解題所載皆即其本當時固盛行也外此有唐柳宗元宋宋咸吳祕注建寧人合李注為四注本書錄解題云與此

不同厥後書坊復有新纂門目五臣音注本則
又增入溫公集注而卷依宋咸爲十諸家元文
悉經刪節全失其舊明之世德堂據以重刻通
行迄今於是世人罕知諸家或十三卷或十卷
各有單行之本而李注乃若存若亡焉戊寅首
春購得宋槧稍有修板終不失治平之真適元
和顧君千里行篋中有臨何義門所校出以對
勘大致符合深以爲善勸予刊行爰以明年影
摹開雕凡遇修板仍而不改并所譌誤舉摘如
千條綴諸末以俟論定者唯惜陳振孫又云錢

佃曾得舊監本刻之今未見不獲互相證明也
至於宏範所學右道左儒每違子雲本指其讀
文句亦不能無失溫公時下己意多所訂正而
集注十三卷本竟杳難再遘然則此本宋槩之
僅存而予與顧君得以流傳之可不謂厚幸也
哉嘉慶廿有四年歲在己卯十有二月己丑朔
江都秦恩復序

學行卷第一

以其所以養

四葉前
八行

衍下以字

吾子卷第二

事事辭稱則經

二葉前
三四行

誤重事字

又

曰云姓孔而字仲尼

二葉後
八行

曰當作自

問神卷第五

名震于京師

四葉後
六行

震當作振音義可證此震

字依溫公集注所改非其舊

問明卷第六

不亦寶乎

三葉後
四五行

寶當作珍音義可證此寶字

蓋依漢書所改也

又

巢父洗耳

三葉後九行

洗當作灑注同音義及溫公

集注皆可證

寡見卷第七

吾寡見人之好假者也

一葉前三行

假當作假下同

音義可證此假字依溫公集注所改非其舊

又

春木之菴兮

八葉後

注春木芒然而生溫公集

注云李本菴作芒按音義不出菴字是其本
作芒也其實菴是芒非音義本傳寫譌耳此
正文與注歧異乃初皆作芒後改未畫一

又

又從而繡其其鞶帨二葉前八九行誤重其字

五百卷第八

由羣謀之故也二葉後三行謀當作婢

先知卷第九

議其教化二葉後八行議當作謹

重黎卷第十

請問蓋一葉後五行注天云當作請問蓋天正文
天字誤入注中

又

始六之詔

五行葉後

六下當有世字音義及溫公

集注皆可證此修板去世字非其舊

淵騫卷第十一

巽以揚之

一葉前

當衍巽字溫公集注可證

又

擊遼水

二葉前
四行

按擊當作繫繫屬也史記云屬

之遼東不作擊可知但各本皆誤或治平初

刻已如此

又

實蜘蛛之劙也

二葉後
四五行

劙當作靡

又

曰非夷

下衍齊而是柳下惠戒其子以十字

尚容

下衍首陽爲拙柱下爲工飽食安坐以仕易農十六字

依隱玩世

下衍詭時不逢四字

其滑稽之雄乎

五葉前五六七行

按

李本如此溫公集注可證此本衍字皆溫公取漢書所增而修板依之擠入非治平之舊也

君子卷第十二

人言仙者有諸乎吁

三葉後十行

乎當作曰

孝至卷第十三

石奮石建

一行一葉後四行

衍下石字

序

然後誕章五行前

五葉前

然當作終

音義

卷第則渾條一請問禮莫知條一當在或曰事雖曲而通諸聖條之下

又

卷第渾條一簡易條一當在焉得條之下

又

卷第置守條一當在屏營條之下

又

月

五

同抵巔

上都禮切

下許羈切

當分爲二條云抵

都禮切

許羈切

巔

揚子法言學行卷第一

夫學者所以仁其性命之本本立而道生是故冠乎衆篇之首也

李軌注

學行之上也言之次也教人又其次也咸無焉爲衆人

此三者教之大倫也皆無此三者民斯爲下矣

或曰人羨久生將以

學也可謂好學已乎曰未之好也學不羨

仲尼志道朝聞

夕死揚子好學不羨久生天之道不在仲尼乎

不在在也言在仲尼也

仲尼

駕說者也不在茲儒乎

駕傳也茲此也

如將復駕其所說

則莫若使諸儒金口而木舌

金寶其口木質其舌傳言如此則是仲尼常在矣

或曰學無益也如質何曰未之思矣夫有刀者

礮諸有玉者錯諸不礮不錯焉攸用

礮錯治之名

礮而

錯諸質在其中矣否則輒

否不也輒止也此章各盡其性分而已

螻蠕之

子殮而逢蜾蠃祝之曰類我類我久則肖之矣

速哉七十子之肖仲尼也

肖類也蜾蠃遇螟蠣而受化久乃變成蜂爾七十子之類

仲尼又學以治之思以精之朋友以磨之

切磋琢磨名譽

以崇之不倦以終之可謂好學也已矣

上士聞此五者勤而

行之不可謂不好也

孔子習周公者也顏淵習孔子者也羿

逢蒙分其弓良捨其策般投其斧而習諸孰曰

非也或曰此名也彼名也處一焉而已矣曰川

有瀆山有嶽高而且大者衆人所不能踰也

言諸

賢之有妙藝猶百川之有四瀆衆山之有五嶽而川可度嶽可登高而且大者惟聖人之道如天不可外也

或問世